

HOUTMAN, H., Opḡ goed gelok. (Sketch).

0.71

Op goed gelok

Speulers:	Kees	: presentator van de kwis	Ke.
	Jelle	: de man die keuzen wodden moet,	Je.
	Annie	: kandidaat no. 1, ienvooldig, betien simpel	An.
	Brigitte	: kandidaat no. 2, modieus	Bi.
	Amanda	: kandidaat no. 3, utbundig, aanstellerig, overdreven	Am.

Decor: 'studio op goed gelok';
drie stoelen, een grote waaier, een hoog krukkien,
d'r is ok een tillefoon neudig.

Kees: (komt op) 'oeien aovend beste meensken, welkom bij 'Op goed gelok' Vanaovend he'we weer drie frisse meiden, die utmaeken zullen wie as d'r mit oonze jongknaop van deur gaon zal.
De eerste is Annie, (komt zwaaiend op) Annie is pottebakster bi'j iene van de grootste febrieken waar w.c. s maekt wodden. Heur hobby's bin et thuus zitten bi'j heit en men en et fokken van cavia's.
As twiede komt Brigitte, (komt zwaaiend op) Brigitte is grondsterwardess bi'j een kiepe-mesteri'je; ze mest de stallen uut. Ze speert sokke-ophoolders en doet an rock & roll.
Op'e dadde stoel komt Amanda te zitten (zwaaiend op) Amanda is verkoopster bi'j een slange-en krokedille-winkel. In heur vri'je tied doet ze an breien en modder-gevechten. 4e kiek ok graeg naor rugby.
Welkon vrouwluden.

An: Zeg meneer eh...

Ke: Zeg mar van Kees, ik bin Kees Kwispel.

An: Zeg Kees, mag ik mien brille wel even ophaelen, die ligt nog in de kleedkaemer, eers zie ik niet iens wa'k mit naor huus neme strakkies.

Ke: Dat moet allemaole nog Annie, mar hael him mar vlogge op, de uut-zending begint zo. (An. of)

Dan komt hier et slachtoffer van de aovend en dat is Jelle. (komt op) Jelle is baande-plakker bi'j de wegenwacht. Klopt toch hé?

Je: Jazeker ik bin baande-plakker, mar dan wel veur fietsen, ik bin aenlik bi'j de fietse-wacht.

Ke: As liefhebberij je het Jelle touw-trekken en pannekoek-bakken. Jelle is 30. Nog nooit es een aorig maegien mit een lekke baand bi'j de weg troffen?

Je: Da's now krek de pest; die jonge meiden kun de baand vaeke zels wel plakken. Ik tref meestal de oolde ventielen!

An: (op mit grote brille) Hier wa'k weer. Now waar staot ie? Kom mar op

Bi: Gao eerst mar rustig zitten, wi'j bin d'r ok nog!

Ke: Jelle staot hier lekker achter de waaier, die meug ie nog niet zien.

An: Kuj' al een tippien van de stat oplichten meneer Kees?

Ke: Een tippien van de stat? Van de sluier bedoel ie zeker?